

Broj:037/17A  
Tuzla, 23.11.2017. godine.

Na osnovu člana 25. stav 1. tačka 1. Statuta Udruženja mikrokreditnih organizacija u Bosni i Hercegovini, Skupština Udruženja mikrokreditnih organizacija u Bosni i Hercegovini na sjednici održanoj 23.11.2017. godine je donijela:

**ODLUKU  
IZMJENAMA I DOPUNAMA STAUTA UDRUŽENJA MIKROKREDITNIH  
ORGANIZACIJA U BOSNI I HERCEGOVINI**

**Član 1.**

U članu 3. mijenja se naziv Udruženja na način da se na kraju naziva dopisuje riječ „AMFI“ i glasi:

Puni naziv Udruženja je:

Udruženje mikrokreditnih organizacija u Bosni i Hercegovini - AMFI  
дружење микрокредитних организација у Босни и Херцеговини - АМФИ  
druga mikrokreditnih organizacija u Bosni i Hercegovini - AMFI

kraćeni naziv Udruženja je:

MO u BiH - AMFI  
МО у БиХ - АМФИ  
MO u BiH - AMFI

uni naziv Udruženja na engleskom jeziku glasi: Association of Microcredit Organisations in Bosnia & Herzegovina – AMFI.

kraćeni naziv Udruženja na engleskom jeziku glasi: AMO in BiH – AMFI.

**Član 2.**

Konstatuje se da se član 8. stav 2. usklađuje sa izmjenama u članu 3.

**Član 3.**

Član 9. se mijenja i glasi:

Ciljevi i djelatnosti Udruženja su:

- afirmacija i zaštiti principa mikrokreditiranja;
- jačanje institucionalnih kapaciteta članica Udruženja;
- unapređenje i razvoj pravnog ambijenta za mikrokreditiranje u Bosni i Hercegovini;
- kontinuirano unapređenje transparentnosti poslovanja članica posebno sa aspekta zaštite korisnika usluga mikrokreditnih organizacija;
- unapređenje i zaštita etičkih standarda članica;
- organizovanje edukacione, istraživačke, i informativne djelatnosti u cilju zaštite interesa članica i korisnika njihovih usluga;

- saradnja i razmjena iskustava sa istim ili sličnim udruženjima, asocijacijama, pravnim licima i institucijama vlasti u zemlji i inostranstvu, u svrhu ostvarivanja djelatnosti Udruženja u skladu sa Zakonom.

#### Član 4.

U članu 11. stav 3. dodaje se riječ „domaća“ i glasi:

Iznimno počasnim članom Udruženja može postati domaća i strana pravna osoba zbog posebnih zasluga, sponzorstva, pomoći Udruženju ili značajnim doprinosom pomoći promovisanja Udruženja i namjene za koje je Udruženje osnovano.

#### Član 5.

Član 12. se mijenja i glasi:

U prijemu u članstvo odlučuje Skupština Udruženja.

Za stupanje u članstvo Udruženja podnosi se pristupnica na propisanom obrascu Predsjedniku Udruženja.

Primljeni član se upisuje u evidenciju članstva i izdaje mu se potvrda o članstvu.

Potvrda o članstvu ima značaj isprave kojom se dokazuje svojstvo člana Udruženja.

Oblik i sadržaj potvrde o članstvu i evidencije članstva utvrđuje se odlukom Skupštine.

Udruženje je dužno voditi spisak svojih članova, a za evidenciju o članstvu odgovara Predsjednik Udruženja.

Popis članova udruženja vodi se elektronski ili na drugi odgovarajući način i sadrži:

- a) ime, prezime, odnosno naziv člana, s adresom prebivališta, odnosno sjedišta;
- b) datum pristupanja i broj pristupnice udruženja;
- c) vrstu članstva udruženja, u skladu sa statutom;
- d) datum prestanka članstva u udruženju.

#### Član 6.

Član 13. se mijenja i glasi:

Članstvo u Udruženju prestaje:

- dobrovoljnim istupanjem iz Udruženja;
- isključenjem na osnovu odluke Skupštine;
- pravosnažnošću rješenja o oduzimanju dozvole za rad od strane nadležne agencije;
- prestankom svojstva pravnog lica.

### **Član 7.**

U članu 14. stavu 2. riječ „Upravni Odbor“ zamjenjuje se riječju „Predsjednika Udruženja“ i dodaje se izraz „koji odluku dostavlja Skupštini“ te stav 2. sada glasi:

Sa odlukom člana Udruženja o istupanju iz članstva, upoznaje Predsjednika Udruženja koji odluku dostavlja Skupštini, nakon čega se vrši evidentiranje istupanja.

### **Član 8.**

U članu 15. stav 5. riječi „upravljanja, odnosno opoziv kao predstavnika Udruženja“ mijenjaju sa riječima „upravljanja Udruženja“.

Član 15. glasi:

Isključenje iz članstva se vrši u slučaju kada član Udruženja teže povrijedi odredbe ovog Statuta ili drugih pravila Udruženja, ili ako djeluje protivno ciljevima i interesima Udruženja.

Odluku o isključenju donosi Predsjednik Udruženja.

Protiv odluke Predsjednika o isključenju, isključeni član ima pravo žalbe Skupštini u roku od 15 dana od dana prijema odluke.

Odluka Skupštine je konačna.

Isključenje iz Udruženja povlači sa sobom i opoziv tog člana u organima upravljanja Udruženja.

### **Član 9.**

U članu 16. stav 2. briše se riječ „sugestije“ i član glasi:

Prava članova Udruženja su:

- da biraju i da budu birani u tijela Udruženja;
- da daju prijedloge i mišljenja;
- da prate rad Udruženja i pokreću inicijative za rješavanje pitanja od interesa za Udruženje;
- da budu redovno informisani o radu i rezultatima rada Udruženja;
- da u zaštiti svojih prava koriste pomoć Udruženja.

### **Član 10.**

U članu 17. briše se stav 5. i dodaje se novi stav, te član glasi:

Dužnosti članova Udruženja su:

- da plaćaju članarinu na način i u visini koju odredi odlukom Skupština;
- da učestvuju u aktivnostima Udruženja;
- da savjesno i odgovorno izvršavaju povjerene poslove i zadatke u vezi sa radom i aktivnostima Udruženja;
- da propagiraju djelatnost Udruženja, a posebno značaj njenih programskih ciljeva;

Prava i dužnosti članova će biti detaljnije regulisani Pravilnikom o članstvu koji donosi Skupština.

Konst:  
Skupš  
Skupš  
Skupš

Na k  
U ra  
koji  
Udr

Čl:  
Sk  
•  
•  
S

## Član 11.

Konstatuje se da se član 18. briše.

Postojeći članovi se pomjeraju za jedan broj unazad.

## Član 12.

Član 21. se mijenja i glasi:

Skupština se održava prema potrebi, a najmanje jednom kvartalno.

Skupštinu saziva predsjednik Udruženja.

Pismeni poziv, sa prijedlogom dnevnog reda i materijalima za raspravu, članovima Skupštine se dostavljaju najmanje sedam dana prije održavanja sjednice Skupštine.

Skupština Udruženja može biti:

- redovna i
- vanredna.

Redovna Skupština održava se u pravilu jednom kvartalno. Jednom godišnje Skupština razmatra godišnji izvještaj o radu Udruženja.

Vanredna Skupština saziva se izuzetno, u slučaju nepredviđenih teškoća u radu, poremećaja međuljudskih odnosa u organizaciji i drugih okolnosti kada je ugrožen rad i vitalni interesi Udruženja.

Predsjednik Udruženja je dužan sazvati vanrednu Skupštinu na zahtjev najmanje 1/3 članova Udruženja.

Ukoliko Predsjednik Udruženja ne sazove Skupštinu u roku od 30 dana od dana primljenog zahtjeva, Skupštinu sazivaju predlagači.

## Član 13.

Član 22. se mijenja i glasi:

Radom skupštine rukovodi predsjedavajući Skupštine, koje imenuje i razrješava Skupština na početku svake sjednice.

Skupština redovno imenuje i zapisničara i ovjerivača zapisnika.

Predsjedavajući Skupštine:

- predsjedava sjednicama Skupštine;
- potpisuje akte donesene na Skupštini;
- vrši i druge poslove koje mu odredi Skupština u skladu sa Zakonom i ovim Statutom.

### **Član 14.**

Konstatuje se da se u članu 23. mijenja stav 1. i stav 2. i glase:

Skupština radi u sjednicama i kvorum za rad je kvalifikovana većina koju čini 2/3 svih članova Skupštine.

Skupština donosi odluke kvalifikovanom većinom.

### **Član 15.**

Na kraju člana 24. se dodaje izraz „na poziv Predsjednika Udruženja“ i član glasi:

U radu Skupštine, bez prava odlučivanja mogu prisustvovati i predstavnici drugih pravnih lica sa kojima Udruženje ostvaruje saradnju i predstavnici državnih organa, na poziv Predsjednika Udruženja.

### **Član 16.**

Član 25. se mijenja na sljedeći način i glasi:

Skupština Udruženja je nadležna za:

- donošenje Statuta, izmjene i dopune Statuta i drugih akata određenih Statutom;
- donošenje programa rada i godišnji plan rada Udruženja, sa finansijskim planom;
- razmatranje i usvajanje Izvještaja o radu Predsjednika Udruženja između dvije sjednice Skupštine;
- usvajanje završnog računa Udruženja za prethodnu godinu i finansijskog plana za tenuću godinu;
- odlučivanje o spajanju ili podjeli u drugo udruženje i prestanak rada Udruženja;
- imenovanje predsjedavajućeg Skupštine, te imenovanje i razrješenje Predsjednika i Potpredsjednika Udruženja;
- usvajanje Poslovnika o radu Skupštine;
- imenovanje i razrješavanje lica ovlaštenih za zastupanje i predstavljanje Udruženja u pravnom prometu; Predsjednika i Potpredsjednika
- donosi odluku o osnivanju pravnog lica u skladu sa Zakonom;
- donosi odluku o visini mjesecne članarine;
- donosi odluku o realizaciji pojedinačnih projekata i neophodnim finansijskim sredstvima;
- donošenje odluka o raspolaaganju preostalim sredstvima Udruženja nakon odluke o prestanku rada Udruženja ili drugih statusnih promjena;
- rješava po žalbama članova Udruženja;
- donosi odluku o udruživanju u druge saveze, udruženja i asocijacije u zemlji i inostranstvu;
- donosi odluku o promjeni naziva i sjedišta Udruženja;
- i vrši druge poslove u skladu sa Statutom i Zakonom koji nisu u nadležnosti drugih organa Udruženja.

### **Član 17.**

- ako s
- drug

Član 33. se mijenja na sljedeći način i glasi:

Udruženje ima Predsjednika i Potpredsjednika Udruženja koje imenuje i razrješava Skupština na mandatni period od 1 (jedne) godine, sa mogućnošću reizbora.

Predsjednik Udruženja za svoj rad odgovara Skupštini Udruženja.

Predsjednik Udruženja ima sljedeća prava i dužnosti:

- stara se o organizovanju i radu Skupštine i saziva njene sjednice;
- priprema materijal za njene sjednice;
- predlaže dnevni red sjednice;
- predsjedava sjednicama Skupštine;
- potpisuje akte donesene na Skupštini;
- stara se o izvršenju odluka, zaključaka i drugih akata Skupštine;
- koordinira rad organa i tijela Skupštine;
- vrši i druge poslove koje mu odredi Skupština u skladu sa Zakonom i ovim Statutom.
- zastupa i predstavlja Udruženje u pravnom prometu;
- rukovodi radom Udruženja i organizira njegov rad;
- odgovorni su za zakonitost rada Udruženja;
- podnose izvještaj o radu Skupštini i izvještaj o poslovanju za prethodnu godinu, uključujući i finansijski izvještaj
- pripremaju i predlažu nacrt budžeta za narednu godinu, finansijskog plana i godišnjeg programa i plana rada Udruženja
- sprovodi i realizuje ciljeve Udruženja u skladu sa usvojenim planom i budžetom
- staraju se o izvršenju odluka, zadataka i zaključaka Skupštine;
- nastupaju u ime Udruženja u odnosima sa trećim licima;
- staraju se o pravilnom korištenju imovine Udruženja, o urednom obavljanju materijalno finansijskog poslovanja, zakonitom i blagovremenom vršenju stručnih i administrativnih poslova;
- koordiniraju rad organa i tijela i donose odluke o pitanjima o radu Udruženja, osim onih koji su u isključivoj nadležnosti Skupštine
- stara se o izvršenju administrativno-tehničke poslove Udruženja;
- obavljaju i druge poslove koje im je povjerila Skupština.

U slučaju odsutnosti ili spriječenosti Predsjednika da obavlja svoje dužnosti, istog zamjenjuje Potpredsjednik pri čemu ima ista ovlaštenja definisana za Predsjednika Udruženja.

Predsjednik i potpredsjednik mogu biti opozvani i prije isteka vremena na koji su izabrani i to:

- na sopstveni zahtjev,
- ako ne obavljaju pravilno poslove predsjednika i potpredsjednika Udruženja,

- ako svojim radnjama nanose i ruše ugled Udruženja, i
- drugim slučajevima predviđenim Zakonom, ovim Statutom i aktima Udruženja.

### **Član 18.**

U članu 35. stav 3. se briše i član glasi:

Rad Udruženja je javan.

Udruženje je dužno omogućiti nadzor nad zakonitošću rada nadležnom Ministarstvu.

### **Član 19.**

U članu 40. stav 2. mijenja se riječ „dvotrećinskom“ u riječ „kvalifikovanom“ te stav 2. glasi:  
Odluku o dobrovoljnem prestanku rada Skupština donosi kvalifikovanom većinom.

### **Član 20.**

U članu 35. stav 2. se riječ „dvotrećinskom“ mijenja u „kvalifikovanom“ te stav 2. glasi:  
Odluku iz prethodnog stava donosi Skupština kvalifikovanom većinom.

### **Član 21.**

Član 36. se mijenja i glasi:

Prihodi Udruženja su:

- a) članarinu, kada je u pitanju udruženje;
- b) dobrovoljne priloge i poklone javnih institucija, fizičkih i pravnih osoba, kako inostranih tako i domaćih, u gotovini, uslugama ili imovini bilo koje vrste;
- c) državne subvencije i ugovore sa državom, javnim institucijama, fizičkim i pravnim osobama, kako domaćim tako i inostranim;
- d) prihod od kamata, dividendi, dobiti od kapitala, zakupnina, honorara i sličnih izvora pasivnog prihoda; i
- e) prihod stečen kroz ostvarivanje ciljeva i aktivnosti udruženja ili fondacije, kako je određeno statutom.

Ako su osnivači udruženja ili fondacije javno-pravni organi, oni ne mogu učestvovati u javnim konkursima sa svojim programima i projektima za dodjelu javnih sredstava, već se finansiraju iz drugih izvora, u skladu s odredbama ovog zakona.

### **Član 22.**

U naslovu XV riječ „ostvarivanja“ se mijenja u „usvajanje“ i glasi:

XV – NAČIN USVAJANJA FINANSIJSKOG IZVJEŠTAJA I IZVJEŠTAJA O RADU  
UDRUŽENJA

### **Član 23.**

#### Član 46. se mijenja i glasi:

Udruženje je dužno voditi poslovne knjige i podnosi finansijske izvještaje u skladu sa pozitivnim zakonskim i podzakonskim propisima.

Finansijski izvještaj iz stava (1) ovog člana udruženje ili fondacija dužni su čuvati najmanje pet godina, osim ako posebnim propisom nije utvrđen duži period čuvanja.

Članovi Udruženja ili nadležni organ Udruženja utvrđen Statutom nadziru rad Udruženja. Ako se utvrde nepravilnosti u provođenju Statuta Udruženja, član Udruženja ili nadležni organ dužan je na to upozoriti Skupštinu. Ako se upozorenje ne razmotri na sjednici Skupštine u roku od 30 dana od dana dostavljenog pismenog upozorenja i nepravilnosti ne otklone, može se podnijeti tužba nadležnom sudu.

#### Član 24.

#### Član 47. se mijenja na sljedeći način i glasi:

U sjedištu Udruženja, u rokovima određenim zakonom ili odlukama Skupštine, obavezno se čuvaju slijedeći dokumenti: Statut Udruženja; godišnji obračuni poslovanja Udruženja, zapisnici i odluke Skupštine, odluke predsjednika Udruženja; akti tekuće korespondencije i drugi akti vezani za rad i poslovanje Udruženja.

#### Član 25.

U članu 49. stav 2. riječ „mora“ se mijenja u „može“ te stav glasi:

Udruženje može donositi i druge opšte akte: pravilnike, odluke i poslovnike.

#### Član 26.

Konstatuje se da se prva tri stava u članu 50. brišu i član glasi:

Inicijative za izmjene i dopune Statuta može podnijeti svaki član Udruženja.

Inicijativa se podnosi Predsjedniku Udruženja, pismenim putem i sa odgovarajućim obrazloženjem.

Utvrđeni prijedlog dostavlja se Skupštini, najmanje 30 dana prije dana održavanja sjednice Skupštine.

#### Član 27.

U članu 51. stav 1. riječ „dvotrećinskom“ se mijenja riječju „kvalifikovanom“.

U članu 51. stav 2. riječ „Predsjednik“ se mijenja riječju u „Predsjedavajući“ te član glasi:

O izmjenama i dopunama Statuta odlučuje Skupština kvalifikovanom većinom članova.


Predsjedavajući Skupštine potpisuje odluku o izmjenama i dopunama Statuta koji se smatraju originalima i čuvaju u arhivi Udruženja.

### Član 28.

nim Izmjene i dopune Statuta stupaju na snagu danom donošenja, a primjenjivat će se od dana upisa u Registar kod nadležnog Ministarstva.

a  
Predsjedavajući Skupštine

Sadina Bina



O V J E R A V A  
Ministarstvo pravde  
Bosne i Hercegovine

Broj: UP09-07-1-2133/17  
Sarajevo, 20.04.2018.godine

POMOĆNIK MINISTRA

Fazila Mušić



---

Sarajevo, 01.08.2017. godine.

Na osnovu člana 25. stav 1. tačka 1. Statuta Udruženja mikrokreditnih organizacija u Bosni i Hercegovini, Skupština Udruženja mikrokreditnih organizacija u Bosni i Hercegovini na sjednici održanoj 01.08.2017. godine je donijela:

**ODLUKU  
IZMJENAMA I DOPUNAMA STAUTA UDRUŽENJA MIKROKREDITNIH  
ORGANIZACIJA U BOSNI I HERCEGOVINI**

**Član 1.**

U članu 4. riječi „ulica Branilaca Sarajeva broj 20“ zamjenjuju se riječima „ulica Zagrebačka 50“.

**Član 2.**

U članu 12. mijenja se stav 1. i glasi: „U prijemu u članstvo odlučuje Skupština Udruženja.“

U članu 12. stav 2. riječi „generalnom sekretaru Udruženja“ mijenjaju se riječima „predsjedniku/potpredsjedniku Udruženja“.

U članu 12. stav 6. riječi „generalni sekretar Udruženja“ mijenjaju se riječima „predsjednik/potpredsjednik Udruženja“.

**Član 3.**

U članu 14. stav 2. riječi „Upravni odbor Udruženja“ zamjenjuju se riječju „Skupštinu Udruženja“.

**Član 4.**

U članu 15. stav 2. riječi „Upravni odbor“ zamjenjuju se riječima „Skupština Udruženja“.

U članu 15. stav 3. briše se.

**Član 5.**

Član 19. mijenja se i glasi: „Organi upravljanja Udruženjem su:

1. Skupština Udruženja i
2. Predsjednik i potpredsjednik Udruženja“.

**Član 6.**

Mijenja se član 21. stav 7. na način da nakon izmjena isti glasi:

„Predsjednik je dužan sazvati Skupštinu (redovnu ili vanrednu) na zahtjev 1/3 članova Udruženja.“

**Član 7.**

U članu 25. stav 1. tačka 6. riječi „članove Upravnog odbora i generalnog sekretara Udruženja“ mijenjaju se riječima „i predsjednika i potpredsjednika Udruženja“. U članu 25. stav 1. tačka 12. riječi „u drugom stepenu“ brišu se.

### Član 8.

Članovi 26., 27., 28., 29., 30., 31. i 32. brišu se.

### Član 9.

Mijenja se naziv poglavlja VIII – 3. na način da nakon izmjena isti glasi:

„Predsjednik i potpredsjednik Udruženja“

Mijenja se član 33. Statuta na način da nakon izmjena isti glasi:

„Udruženje ima Predsjednika i Potpredsjednika Udruženja koje imenuje i razrješava Skupština na mandatni period od 4 (četiri) godine, sa mogućnošću reizbora.

Predsjednik i potpredsjednik Udruženja za svoj rad odgovaraju Skupštini Udruženja.

Predsjednik i potpredsjednik Udruženja imaju sljedeća prava i obaveze:

Predsjednik i podpredsjednik Udruženja imaju sljedeća prava i dužnosti:

- zastupaju i predstavljaju Udruženje u pravnom prometu;
- rukovode radom Udruženja i organiziraju njegov rad;
- odgovorni su za zakonitost rada Udruženja;
- odlučuju o upotrebi sredstava za realizaciju ciljeva Udruženja;
- naredbodavci su u izvršenju finansijskog plana;
- staraju se o izvršenju odluka, zadataka i zaključaka Skupštine;
- nastupaju u ime Udruženja u odnosima sa trećim licima;
- podnose izvještaj o radu Skupštini;
- pripremaju i predlažu nacrt budžeta za rad Udruženja;
- staraju se o pravilnom korištenju imovine Udruženja, o urednom obavljanju materijalno finansijskog poslovanja, zakonitom i blagovremenom vršenju stručnih i administrativnih poslova;
- koordiniraju rad organa i tijela i donose odluke o pitanjima o radu Udruženja, osim onih koji su u isključivoj nadležnosti Skupštine i Upravnog odbora;
- vode administrativno-tehničke poslove Udruženja;
- obavljaju i druge poslove koje im je povjerila Skupština.

Predsjednik i potpredsjednik mogu biti opozvani i prije isteka vremena na koji su izabrani i to:

- na sopstveni zahtjev,
- ako ne obavljaju pravilno poslove predsjednika i podpredsjednika Udruženja,
- ako svojim radnjama nanose i ruše ugled Udruženja, i

- drugim slučajevima predviđenim Zakonom, ovim Statutom i aktima Udruženja.

### Član 10.

U članu 34. stav 2. riječi „generalni sekretar Udruženja“ zamjenjuju se riječima „Skupština Udruženja“.

U stavu 3. riječi „generalni sekretar“ zamjenjuju se riječima „Skupština“.

### Član 11.

U članu 36. stav 2. riječi „generalni sekretar“ zamjenjuju se riječima „predsjednik/potpredsjednik Udruženja“

### Član 12.

U članu 37. stav 1. riječ „Upravni odbor“ zamjenjuje se riječima „Skupština Udruženja“.

### Član 13.

U članu 38. riječi „generalni sekretar Udruženja“ zamjenjuju se riječima „predsjednik/potpredsjenik skupštine“.

### Član 14.

U članu 40. stav 3. riječi Upravni odbor“ zamjenjuje se riječima „Skupština Udruženja“.

U članu 40. stav 4. riječi Upravnog odbora“ zamjenjuje se riječima „Skupštine Udruženja“.

### Član 15.

U članu 44. stav 1. riječi „Upravnog odbora“ zamjenjuju se riječju „predsjednika/potpredsjenika Udruženja“.

U članu 44. stav 2. riječi „Upravni odbor“ zamjenjuje se riječima „Skupština Udruženja“.

### Član 16.


U članu 47. Stav 1. riječi „ili Upravnog odbora“ brišu se a riječi „Upravnog odbora i generalnog sekretara“ zamjenjuju se riječima „predsjednik/potpredsjenik Udruženja“.

### Član 17.

Ova odluka stupa na snagu danom upisa promjena u Registru kod Ministarstva pravde BiH.

Predsjednik Skupštine

Sadina Bina



O V J E R A V A  
Ministarstvo pravde  
Bosne i Hercegovine

Broj: UP09-07-1-1728/17  
Sarajevo: 13.11.2017.godine

POMOĆNIK MINISTRA  
  
Zeljana Mušić

Broj: 278/19A  
Sarajevo, 01.02.2019. godine.

Na osnovu člana 25. stav 1. tačka 1. Statuta Udruženja mikrokreditnih organizacija u Bosni i Hercegovini, Skupština Udruženja mikrokreditnih organizacija u Bosni i Hercegovini na sjednici održanoj 01.02.2019. godine je donijela:

**ODLUKU  
IZMJENAMA I DOPUNAMA STAUTA UDRUŽENJA MIKROKREDITNIH ORGANIZACIJA U BOSNI I  
HERCEGOVINI**

**Član 1.**

U članu 1. stav 9. mijenja se i glasi:

- opis oblika i sadržaja pečata, i znaka Udruženja

**Član 2.**

U naslovu III dodaje se riječ „znaka“ i glasi:

III – PEČAT I ZNAK UDRUŽENJA

**Član 3.**



U članu 8. dodaje se opis znaka Udruženja i glasi:

Udruženje ima svoj znak. Znak Udruženja sastoji se od znaka jedinstva (ujedinjenja), sive i plave boje, a sa desne strane znaka se nalazi naziv „AMFI“ plave boje.

